

پازار ايرتسی في ۳۰ ربيع الال سنه ۱۳۲۸ و في ۲۹ مارت سنه ۱۳۲۶

جمعيت علميه اسلاميه نك ناشر افكاريدر

مدیر مسئول :
مکتب نواب معلمارندن
کاپیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

وطن محبئی حسین حازم
ادبیات :
مؤذن ع . عاطف
ردی علی مافی النول الجید من الردی مصطفی صبری

مقالات
مجاهدیه روا کوریلین مؤاخذہ فی مدافعه کوچوک حمدی
اسلامدہ عسکرلک ع . عاطف
شیدۃ الحمد طاهر المولوی
برقونفرانسدہ ایراد اولنان نطق مصطفی عاصم

نسخہ سی ۱ غر و شدر

آبونه اجرقتی (پوستہ اجرتیله برابردر)

ممالک اجنبیه ایچون :
۶۰ ، ۱۲ فرانق
« ۶۰ ، ۲۰ »

استانبول وولایات ایچون :
برسنه لکی ۶۰ غروش
القی آیلنی ۳۰ «

درج ایدلمیان اوراق اعاده اولتماز

قارئلمرزه :

اکثر مقالانه آیات کریمه و احادیث نبویه درج ایدلمش بولندینی نظر اعتباره آلهرق رعایتسزلکده بولنلامسی رجا اولنور

درسعادت

طنین مطبعه سنده طبع اولنمشدر

پکن هفته بر قونفران سده غزته من صاحب امتیازی

مصطفی عاصم افندینک ایراد ایلدیکی نطفدر

سوکیلی قارداش لرم ، محترم سامعلم ! بزی شوکیجه
بورایه جمع ایدن و بو وسیله ایله برطاقم ارشادات و بیانات
عالیه ایله افکار منری و بالخاصه اسلامیتک و عثمانلیلک
عاجز فقط فداکار ، حمیتلی بر خادمی اولان بو عبد عاجزک
افکار منی تنویر بیوران عبدالرشید ابراهیم افندی ایله
محترم قارداش من حاجی عمر (یاماوقا) افندی و انک
بیاناتی ترجمه ایله علاوه مطالعات بیوران مصطفی زهدی
بک افندی به عرض شکران ایلرم .

اناس من جهة التمثال اکفاء

ابوهم آدم والام حواء

فان یکن لهم فی اصلهم شرف

یفأخرون به فالطین والماء

مالفضل الا لاهل العلم انهم

علی الهدی لمن استهدی ادلاء

قسم اعظمکمر لسان عربی به واقف بولوندیغکز
جهتله نطقمه امام علی (کرم الله وجهه) حضرتلرینه
اسناد اولونان بوایات حکیمانه ایله باشلادم .

انسانلر شکل و صورت جهتله یکدیگرینک اشلری
و مائثالری در . هپسینک پدری آدم ، والدلری حوادر .
اکر بر اصالت . بر نسب دعواسیله یکدیگرینه تفاخر
ایدنلر ، اقوام و عناصر آره سنده شرحه تقدم آرامق
داعیه لرند بولونانلر و ارایسه بیلسینلرکه جمله سنک اصلی
طور اقدر . فضیلت ، ارباب کماله ، اهل علم و تقوایه
عأددر . ایشته عبدالرشید افندینک نطقنک خلاصه سی .
ایشته عمرک ، کائناتک خلاصه سی . .

کائنات بر نظر دقت ایله مطالعه ایدیلنجه کورولورکه
بر چوق عائله لک مجموعی در . بر چوق اقسامک مجموعندن
متشکل بر هیئت ، بر چوق اجزائک هیئت عمومی سندن
مرکب بر کته در .

مدینه دن رحلت ایدن شیه الحمد یکر می یکر می بش یاشنده
بر دلیقانی اولمش و اوقدر و قتلک بار حیات ده ابو سعیدک
قامتی اکوب بلنی براز بو کمش ایسه دهینه بر لرینی طانی دیلر .
مشتاقانه صاریلدیلر ، متحسرانه او پوشدیلر . عبدالمطلب :
— المنزل یا خال ! دیه رک دایسینی اوینه دعوت
ایتدی . ابو سعد ایسه :

— لا والله حتی القی نوفلاً . جوابیله نوفلی کورمینجه
عبدالمطلب اوینه کیده میه جکنی مع انقسم بیلدیردی .
عبدالمطلب ، دایسینک بو عزم قطعیسنه قارشنی نوفلک
حرم شریفده (حجر) ده اشراف قریش ایله اوطور مقدمه
اولدیغنی سویله دی .

ابو سعد معیتنده بر قاج کیشی ایله اورایه کیتدی . فی الواقع
نوفل ، اوراده اوطور و یوردی . ابو سعدی کورونجه :
— یا ابا سعد ! انعم صباحاً . التفاتیه مضافحه ایچون
النی اوزاندی . فقط ابو سعد :

— لا انعم الله لك صباحاً ! جواب درشتیه . حدتندن
تتره بن النی قیلجنک قبضه سنه کوتوردی و بیت شریفه اشارتله :
— شو بنای معلا حقیچون اکر همشیره زاده مک
— غصب ایتدیکنک — حقوقنی اعاده ایتیه جک اولورسه ک
قفا کی قویار یرم ! دیه حضارک کوزلرینی قماشدیران سیف
شهامتی چکدی .

نوفل ، صاعقه بلا کی باشنده دولاشان قیلدیجک
قورقوسندن سنی چیقارامادیغنی کی حاضر بولونان قرشیلرده
نوفلک حقمنزلغنی بیلدیگری جهتله مدافعه سیچون شق شفه
ایتمه دیلر . حقک غالبیتی ، ظلمک مغلوبیتی تصویر ایدن
شوحال ، هاشمک عهده سنده کی مناصبک عبدالمطلبه توجیهی
و اوراده کی صنادیک استماع و شهادتیه نتیجه پذیر اولدی .

قهرمان ابو سعده حرکت قرا تپور و رندن صوکر
معیتله برابر همشیره زاده سنه اوچ کون مسافر اولارق
بیت مکر می طواف ایله مملکتنه عزیمت ایتدی .

مابعدی وار

طاهر المرلوی

حاصل اوله‌ماز . آندن استفاده ایتک لازم . بناءً علیه قوه عاقله دن استخصال اولنه حق فائده‌ن‌در ؛ یعنی قوه عاقله نه‌صورتله استجدام ایدملی ؛ بوراسی اکلاشیلملی در .

پک اعلایلیرسکزرکه موجوداتدن هر نوعک کندیسندن مطلوب اولان کالاتی وارددر . بر آدم قامنی یونترارکن قلمتراش ایله‌انی کسرسه بو؛ برضرر اولمقله برابر قلمتراش ایچون تقیصه دکل . کمالدر . چونکه نوعندن مطلوب اولان بوایدی . عقلدن مطلوب اولان کال ایسه حقایق اشیایی آکلامقدر . هرهانکی بر عقل که هیچ قوللانیان بر قلمتراش کبی در ، اوعقل هیچدر . بناءً علیه بو عقلک صاحبک « بن‌ده انسانم » دیه سائر حیوانه قارشی غرورده ، فیخره حق اوله‌ماز . هرهانکی بر عقل لایق اولدینی صورتله استعمال ایدلمیه‌رک حقایق علی خلاف الواقع اوکرده‌نیر ، بو عقل دمیسنکی عقل کبی اولمایوب عادتاً صاحبک باشه‌بلا کسلییر . چونکه مطلوبک خلافه قوللانیلمشدر . برشی خلافنده قولالمنق سوء استعمالدر . هدردر .

شوحالده انسانلرک الزیاده‌نظاردقت وغیرتلی اوکنده بولوندرملری لازم کان مسألدن بریسی عقللری بوش بر اقامق ، حقایق اوکر نمکه سوق ایتکدر .

فقط عربک (العلم کثیر والعمر قلیل) دیدیکی کبی حقایق کونیه‌نی اوکر نمک ، واجبات و ممکناته دخی شامل اولمق اوزره بوتون علومی احاطه ایتک قدرت بشریه‌دن خارجدر . بوحالده انسانلرک نه‌یلملری لازم کلیر ، نه‌یپارلر . برکرده صورت عمومیّه‌ده هر فرد آیری آیری لازم اولان علومی اوکرده‌نیرلر ؛ اندن سوکرا هیئات اجتماعیه عائد علومی تحصیل ایدرلر . بووجهله بر جمعیت انسانیه‌ده عدد معین دائره‌سند طیب ، آووقات ... الخ بولمنق لازم اولدیغندن بوجهتلردن هیچ بریسنی اهامال جائز اولدینی کبی جمعیتک کافه افرادینی مثلاً طبابته سوق ایده‌جک اولورسه ق جمعیت معطل قالیر . بناءً علیه بو یولده تقسیم مساعییه لزوم وارددر .

عالم حیوان ، عالم نبات ، عالم جماد ... بولنردن هر بریسی ، حتی عالم ارواح برر عاقلیه تشبیه اولنور .

ایکینجی درجه‌ده مثلاً انسانلر اقوام وعناصره انقسام ایله برر عاقلدر . بوتون بی بشر بر عاقله ، دولتر برر عاقله ، قوملر برر عاقله ، عاقللر برر عاقلدر . شو حالده کائناتک بتون اجزاسی ید قدرتله وجوده کتیرلمش بر هیئت مجموعه عاقله اولمی ، انسانلرک وسائر حیوانلرک ده اوله بر طاقم عاقله‌لره منقسم بولمنی انسانلرک افرادی آرده‌سند نوعیتلری اعتباریه فرق حقیقی اولدیغنه بر دلیلدر . وحقیقه فرق یوقدر . چونکه عندالاسلام ثابت اولان حقایقندن بریسی ده هر شئیک عدمدن حصوله کلش اولمی در . وعلم حکمت نقطه‌سندن اجسامک اصلی ماده‌دن ، ائیردن عبارتدر . اوله ایسه هر شی واحد راجعدر . نقط بو واحددن نشأت ایدن حقایق آیری آیری ، هریری کندیسینی تشکیل ایدن ماهیات ایله ، صفات ایله بریرندن تمایز ایتشدر . ایشته انسانلر ماهیت حقیقیه‌سی و آکا انضمام ایدن صفاتی سببیه حیوانلره فائق اولمشدر .

عجبا انسانلرک سائر حیوانات و بتون حادثات اوزرینه بحسب الشرف تقدمتک سبب حقیقیه‌نی ندر ؛ یمه‌لری . ایچمه‌لری می . یوقسه قوتلری . سسلری می ؛ هیچظن ایتم که بولنر اولسون ، بویه اولسه‌یدی ، مثلاً آرسالنک انسانه فائق اولمی لازمکه جکدی . چونکه او ؛ انساندن دها قوتلی در . کذلک کوزل سسل بلبلرک ده فائق اولمی اقتضا ایدردی . چونکه انسانلر ده اوقدر کوزل سسلیر بولونه‌ماز دیمک که بوانسانک تفوق و تقدمنه بر سبب تشکیل ایده‌من انسانده ودیعه جلیه الهیه اولان وخیر و شری فارق بولونان بر قوه میزد ، بر قوه ناطقه وار ؛ ایشته انسانک ممتازینه سبب اودر .

آنجق هرهانکی بر قوت اولورسه اولسون کندیسندن علی وجه‌المطلوب استفاده ایدلمکجه آندن بر نتیجه مهمه

ایشته شریعت حقّه جلیله اسلامیه انساناره علمی
ایکی صورتله امرایتمشدر .

۱ — فروع عینیه اوله رق . هر مسلمان آری آری
لازم اولان علوم .

۲ — فروع کفایه اوله رق . افراده تقسیم صورتیه
لازم اولان علوم .

بیلیرسکز ، فروع عینیه دن اولان تکلیفات . ابتدا
احکام دینیّه دن باشلار . هر مسلمان کنديسنک اعتقادینه ،
عبادتیه ، و معیشتیه متعلق لازم اوله جق امور واحکامی
اوکر نمکه مأموردر . مثلاً متأهل اولیان بر مسلمان ایچون
احکام نکاحی اوکر نمک فرض اولدینی حالدّه تأهل ایدنلر
ایچون لازم اولیور . کذلک تجارتیه اشتغال ایتمین بر آدم
ایچون انک معاملاتیه دائر احکامی اوکر نمک فرض اولدینی
حالدّه تجارتیه اشتغاله باشلایجه اوکا دائر احکامی بیلمسی
لازم کلیر .

فقط بز نوقت اوروپا لیرک بیوک تجارتخانه لرنده بر
حقوق مشاوری بولنورسه اووقت بو وظیفه یی اکلارلر
چونکه اوروپا بر حقوق مشاوری بولوندریور مش دیه
کتب اجتماعیه لرنده کور مشر . اوروپا لیا یایدینی ایچون کوزلدر ،
دیورلر . فقط دین « تجارتیچون مسائل تجارتیه یی اوکر نمک
لازمدر » دیدیکی حالدّه بز . دیانت جلیله مزک بو بابدکی
ارشاداتی تقدیر ایتمه یورلر .

یالکزر بونی تدقیق ایدجک اولورسه ق دهاپک چوق
حقایقه واصل اولورلر : عبدالرشید ابراهیم افندی خواجه مز
بیوردیلرکه بر طاقم آدملر مکیه کلیر ، طواف ایدرلر .
فقط آنده نه کی مقاصد بولونمی لازم کلدیکی دوشونمز لر .
غافل کلیرلر ، غافل کیدرلر . بو ، طوغرودر . حالبوکه بویله
بر واسطه سیاسیه باشقه هیچ بر ملتک انده یوقدر . بویله
ایکن اولرک عقلاسی انسانلری بر آردیه طوپلایه جق
عمومی سرکیلر تأسیس و کشادی کی تدابیرده مراجعت
ایدیورلر . دین اسلام ایسه بز یو زحمتدن

قورتار مش . کعبه معظمه یی زیارتی اوزر مزده فرض قیلمشدر
ارباب اقتدار اورایه کیدر ، بر چوق اخوان دینی ایله
کوروشور . معلومات آلیر ، ملکیتلرینه ایصال ایدر . هر سنه
دنیا نک هر طرفنده کی اهل اسلام بو واسطه ایله یکدیگرینک
احواندن خبر آلمش اولور [آلفیشلر] بیلیرسکز که دین
اسلامک احکام مبعوله سندنه کی حکمت هم مادی ، هم
منوی در . چونکه او دین عالی بر دین سیاسی در . بر دین
علمی در ، بر دین فنی در ، بر دین اقتصادی در ، بر دین
عرفانی در ، بر دین اخلاقی در ، حاصلی دنیوی و اخروی
سعادتی موجب بر دین عالی در . [آلفیشلر]

انسانلر — تورکلرک النبوک شاعر لرندن توفیق فکرت
بکک « اینانق احتیاجی » شعر لطیفده دیدیکی کی —
اینانق احتیاجنه معروضدر . یعنی مغنویاته اینانمایان آدمده
اخلاقاً ، حساً ، سعادتاً بر چوق نقایص واردر . انسان
بو جهتله مغنویاته اینانغه محتاجدر . فقط بوکا اینانه جق
انسان حق ، باطلی سچیمه لک ایمان ایدر سه شقاوته معروضدر .
طوغرویه اینانق احتیاجی دها جبلی ، دها خلقی در .

دین اسلام اینانق احتیاجنی تماما وکالاتیه
ایدیورمی ؟ های های . نهیه ؟ اول امرده بر معبود عظیمه ،
نسل اینانیورلر ؟ بز دین اسلامده بولونازلر هر بر مز
کندمزدن و بزم مثلمز . ماهیت نوعیه جه مشترک اولان
انسان و مخلوقات سائر دن صادر اولمی ممکن اولیان
آثارک خالق ، موجدی اولان برذاته ایمان و عبادت ایدرلر .
مثلاً شوکره شمسک اطرافنده دوران ایدر . فقط بونی
دور ایتدیرمک ایچون انسانلرک و سائر دنک قوت
و قدرتی وارمی در ؟ خیر ، حاشا ایشه او خالقک بوکی
اثاریله انسانلرک قدرتنک فوقنده ، خارجنده اولمی لازم
کلن نه قدر حادثات وارسه هیئت جموعه سنی و کافه موجوداتی
ایجاد ایلمان ذات اقدسه ایمان و عبادت ایدیورلر .

او موجوده اینانیورلر ، معبودیتک منحصر اوند
بواندیغنی تصدیق ایدیورلر . او موجوده لایق اولان

آدملرک استمقال ایلدیکنی ایشتمدم . فقط بو . حقیقی بیلیمه مکدن . دول متمدنه نک معروض اولدینی مصارفی و بوکا مقابل ویرکو مجبوریتی نظر انصافه المامقدن نشأت ایدر . زکات نه در ؟ شرائط مخصوصه شرعیه دائره سنده مالک بر قسمنی تملیک ایتمک . ویرمکدر .

فقیر آدم زکات المغه اهل اولور فقط ال بیوک اهل خزینه در . عجبا هانکی دولت متصور در که اها ایسک ثروت ملوک سندن سنه ده انحق یوزده ایکی یحق ایله اداره حکومت ایده بیلسون ؟ ال متمدن دولتلرک ویرکیکی ۱۸۰۱۲ ، ۱۸۰۱۲ قدر چقیقور . بزم ، دین اسلامک وضع ایتدیکی ویرکو ایسه اموال تجاریه ده ۱۸۰۱۲ در . شو حالده بو ویرکینک آغیر کورولسی می لازم کلیر ؟ یوقسه کمال تشکرله قبول ایدلسی می ؟ شو ویرکیکی ویردیرمکده نه کی حکمت وار ؟ اولاً باقلی که شریعت جایله اسلامیه ده شو ویرکیکی تحصیل خصوصنده حقوق حریت نه درجه رعایت اولور ؟ سز زکاتکزی کتورر ، خزینه یه ویررسکزر . دین شرعیکیزی ایفا ایتمش اولورسکزر . فقط بر فقیر آدمه ده ویردیرسکزر . ینه بویه اولور . لکن سائر دولتلرده خزینه یه کتیرمدکجه وظیفه ایفا ایدلمش اولماز . اسلام بوتون احکامنده بزه حریتی اوکرتیور . (آقایشرلر)

اسلامک امر ایتدیکی حریت ، وجدانلره بخش ایلدیکی سربستی مقتضاسنجه او حکومت جلیله نک مبادی تأسسده یعنی اسلامک ادوار ذهییه سنده نه صورتله ویرکی تحصیل اولندیغنی دوشونه لم . تعداد اغنام حقنده «نهج البلاغه» ده مندرج مکتوبلر بزه او عدالتی کوسترر :

« سن حقوق حکومتی تحصیله کتدیکنک زمان ال ایسینی سچمه و مکلفینی تضییق ایتمه . چونکه او مالارده صاحبک حق حکومتک حقندن دها چوقدر . » ایشته اسلامک عدالتندن ، حریتندن بر نمونه ! (آقایشرلر)

آنحق بوکی مساعدات لایق اولانلره بخش اولور .

تعظیلات . تکریمات ابجالات . . . بونصل ایفا اولور ؟ او موجوده بزم کندی جنسمزدن اولمدینی ایچون بز او او معبود حقیقی یه قارشی ایفاسی مقتضی اولان تعظیلات ، تکریمات ، و ابجالاتی کندی کندمزه تعیین ایده میز . بن کندم کی انساندن بر لطف کورورسم قیاس نفس ایله آنک منون اوله جنی شیئ بولورم : فقط او موجود اقدس ، ازلی در . بنم کی انسان دکلدر . ماده دکلدر اوله ایسه رضاسنی تحصیل ایچون نه یایمق لازم کلیر ؟ بورالرینی کشف و تعییندن عاجزم . ایشته او الله عظیم الشان کمال لطفیه بزه وظیفه عبودیتی ایفا یوللرینی ده اوکرتمش در .

انحق اوئی ایفا ایدرکن هم وظیفه عبودیت و انسانیتیزی لایق اولدینی وجهله ادایه چالشمش اولورز . هم ده عین زمانده حقه ، اجتماعاً ، سیاستاً . روحاً اخلاقاً برچوق فوائد استحصال ایدرز . ایشته حیج ، بونک ال بیوک بر مثالی در . اللهمک نظر کاه احدیتی اولان کعبه معظمه . معاصی بشر اوراده دوکولور . سیئاتی حسناته تبدیل اولونور .

بر مؤمن بیت اللهی طواف ایدرکن اللهمک اسماء سبجانیسی ذکر ایدر ، الاء ربانیسی نظر دقت و تأمله الیر .

ال بیوک عبادت ؛ عظمت الهیهی تفکر در . بصورتده قات قات حسنات احسان اولور . اوراده بر حاجی دنیوی و اخروی سعاده مظهر اولور . پیغمبر علیه السلام افندمزک اوراده تأسیس دین مبین ایلدیکی ، او کعبه معظمه یی طواف ایلدیکی دوشنور ، قلبنده کی ایمان قوت بولور . ایشته حجک بعض فوائد معنویه سی ! [آقایشرلر]

حجک فوائد مادیه سندن بحث ایتیه جکم . بالطبع بوکی مجالس ؛ اجمال مجالسی در . اوئی ده رشید افندی ایفا ایتشددر .

عبادات سائر دینی دوشونه لم : زکات وار . بونی بر طاقم

شخصی منفعتك اداب شرعیه، قوانین اخلاقیه دأرهمنده استحصانی اوكرنمكدهدر. نهوقت بونی یاپارسهق دنیایه حاكم برملت اوله جغمز شمه سزدر. (آقیشلر)

علوم دنیویه دخی شرع شریفك اوامر جلیلدهی جمله سندن در. مثلا اسلامده آثار فضلی، كالات علمیه وتقواسی بتون دنیا طرفندن تصدیق اولونان غزالی مرحومك احياء العلومنی آچكز، سزه دیه جاك كه: بولونديغكز جمعیتده مقدار كافی اطبا بولنمایه جق اولورسه جمله كز عاصی سكر!

ایشته مثلابو، فرض كفایه در. هر جمعیتده لازم اولدینی قدر ارباب طبابت بولونه جق در. نقصان اولورسه اوجعیت آثم اولور.

بوكون بزای بیابوركه امتلك شوكتلرینی، استقلال لاری محافظه ایتملری قوه مادیه ومعنویه متوقفدر.

حضرت پیغمبر (علیه السلام) افندمر امت واحجابی زماننده موجود اسلحه ایله تجهیز ایدردی. بزمسلان اولدیغمز. دیانت صحیحه اربابی بولندیغمز ایچون هر نه حالده اولور ایسهك اولهلم بزم ایچون هریرده مظفریت شبهه سزدر. دیمك برخیال باطلدن عبارتدر. بویله اولایدی حضرت پیغمبر علیه السلام واحجاب کرامی اللہینی ارقه لرینه باغلار، اویله حربیه کیدرلردی. حالوکه اویله می پایدیلر؟ هپ زمانه کوره لازم اولان اسلحه ایله وامكان دأرهمنده احبابی تجهیز ایتدی. اولا بویله حاضر لاندیلر. صوكر (وما انصر الامن عند الله) دیدیلر. هرشیده نصرتی اللهدن بکله دیلر. بوسایه ده لوی محمدی بی جهانك اقطار مختلفه سنده تموج ایتدیر دیلر. (آقیشلر)

دمین عرض ایتمشدم كه انسانلر برچوق عائله لك مجموعی اولهرقینه برعائله در. شیمدی بزعبجا قاچ درلو عائله یز؟ وانسانلر آراسنده عائله نصل تشكیل ایدر؟ عینی دولته، عینی اسانه، عینی دیانته، حتی عین صنعته. مسلكه سالك اولانلر ده برعائله در. برکره بودولت دولت اسلامیه در

نهدن تطبیق ایدلیدیکنی سؤاله حقمر بوقدر. برکی احوال مقابله قاعده سیله جریان ایدر. بن نصل اکسیك ویرمك چاره سنی آراسهم حکومت ده تحصیل چاره لرینه اویله جه توسله مجبور اولور فقط اوزمانلر هیچ کیمسه بر شینئی کتم و اخفا ایتمزدی.

ایشته انسانلرک اخلاقی منتظم اولورسه قوانینه چوق احتیاج قالماز. چونکه انسانلرک محکمه یه کیدنی قانون اخلاقیه بویون اکین صنفی در. اصحاب اخلاقك کیده جکلیری یالکیز بریر وارسه اوده مفتی حضوری در. که حق آکلامق ایچون اورایه مراجعت ایدرلر. فقط بزم کبی ایشنی پادقندن صوكر قانونه توفیق ایتمکه اوغرا شیرجاسنه حیله یه صابانلره البت هرشی اوله جقدر. شریعتك بزه بخش ایتدیکی حقوق الهی ارق استفاده یوانی آریوبده کندمزه تعلق ایدن وظائفی ایفاده تکاسل واهال کوسترمك بیامم قانون اخلاقیه نصل توفیق قبول ایدر؟

شوخالده بجمزك اولنه دونهلم: علمه. بزعلم دینچه نه بو علمی عادتاك بسیط برمسلمانانه کافی علم شرعی دیه دوشونیورز، نه ده هر شخص عثمانیك کافه علمی احاطه ایتمسینی تصور ایدرز.

هرکس اولا دین ودنیاجه محتاج اولدینی معلوماتی احراز ایتلی، صوكراده معیشتنی تدارك ایده جك معلوماتی استحضار ایتلی و او ائشاده منسوب اولدینی جمعیه خدمت ایچون لازم كن وظیفه حمیتی ایفایتملی. منفعت شخصیهك ضمننده منفعت عمومیه چیقار. شوخالده بزم منفعت عمومیه خدمت ایده جكم دیه کندمزی فدا ایدرجه سنه طوغرودن طوغرویه هرشیئی ترکه حاجت یوقدر. اما هرشیدمزدن تجرد ایدرک بوتون موجودیتتری منافع عمومیه حصر ایدرسهك... بو، بیوک برشان در. فقط بن. کندی حسابمه کوره، هیچ زحمت چکمه دن منسوب اولدیغمز ملته خدمت ایده بیلیرز. اعتقادندهم. منفعتمزدن هیچ بر شیئی فدایه حاجت یوق. فقط جمعیتك. ملتك سعادت

دماغیه و فکریه سنه ده می شامل در ؛ هیچ شبهه یوق بو
اشتراکدن مقصد مطلقا بر سعادت ابدیه تأمین در . ذاتاً
انسانلرک الک برنجی وظیفه لری ، خدمت لری دماغ بشری
تنویر ایتک در ؛ ظلمت جهل ایله دماغلرده تأسس ایتش
باطلاتی سوکوب آتمق . دماغ انسانی یی نور حقیقتله
جلالندیرمق در . حال بوکه دین اسلام نه دیور ؟ مؤلف
اولوک ؛ انسانجه طوغک . انسانجه یشایک . انسانجه اولک !
بز بونی بتون انسانلره تاقین ایلسه کده بویه بروحدت
بشریه حاصل اولسه جمعیت بشریه ضررمی کورور ؟
اولیه ایسه اتحاد اسلام فکری بشریتک ضررینه دکل ؛
کارینه در . یالکز ایش نرده در ؛ مسئلهک ایچنه مقاصد
سیاسیه قاریشیرده « بنم نصلسه اله کچمش اولان نعمتی
دیگری شووسیه ایله قانی ویرسه . . » دیه قورقولور .
بونک بر مثالی حسدر . حسد انسانلر آراسنده
مستولی برخسته لقدر . حسد ؛ انجق اولیاء الله آراسنده
حکمنی اجرا ایده میور . اولیاء اللهک قطع مراتب خصوصنده
بر بریه محاسده لری وارمی در ؟ یوقدر . نهدن ؟ چونکه
عباداتک مکافاتی اخروی در . نعمت اخرویه ایسه
غیر متناهی در . بکا اطف بیورمقله نعم الهیه اکسیلمز .
فقط امر دنیا بویه دکل . علما آراسنده . ارباب
معارف آراسنده حسد وار ، دیرلر . طوغرودر . چونکه
بری اوته کنی بر موقعده کوردکجه « نهدن بن کری قالدیم ،
دیر ، بکا ویریه جک شیئی او آلدی . بن آچقده قالدیم .
دکلی که مطلقا بر سه چمه ایله ویریه جک ، هر حالده بر
قاجی بوشده قاله جق . . . »

شیمدی دواتلرکده سیاستی بودر . دواتلر اخلاق ،
مدنیتی ، انسانیتی بر طرفه براقوبده مسئله یی سیاسیه
دو مک ایستلرسه اووقت اتحاد اسلامی ده ایسته مزلر ،
اتحاد خرستیانی یی ده ایسته مزلر ، اتحاد باغاری یی ده
ایسته مزلر . چونکه مثلاً اسلام اولر اتحاد ایتسه جرمنلر
تهیدیه معروض اوله جقلردر .

« الله پایدار ایتسون » بر چوق عناصردن مرکب برعائله
متزجدهر . سوکرا ایکنجی درجه ده عائله لر وار ؛ مثلاً
حکیملر . اجزاجیلر صوفیه لر . عسکرلر ، کاتبلر . . . بونلر
هپ برر عائله در . فقط او عائله لرک ایکنجی درجه ده ده
برعائله لری وار . شو حالده هر بریمز دیگره نسبتله بر جزء
مثابه سند یز . شیمدی مثلاً عثمانلیق عائله سنک بر پارچه سنی
بن دیگر برر پارچه لر یی ده سز تشکیل ایدیورسکر .
اندن سوکرا حدود عثمانیه داخلنده اسلامه شرفیاب
اولانلر وار . بونلرده برپردک اولادی در .

شو حالده بن هیچ بروقت عائله مک ایچنده منفعت
شخصیه یه قصر آمال ایده مدیکم کبی بوملکیت داخلنده ده
کندی شخصیه قصر آمال ایده میه جکم . عثمانلیرک منافعنه
خدمت ایده جکم و بونکه انسانیت حقیقیه یه واصل
اوله جکم . (آلفیشلر)

ایشته بوندن سوکرا دائره عائلیتی کنیشاته جکم ؛
دیه جکم که دنیاده نه قدر مسلمان وارسه اولنرده بنم
عائله مدن عبارتدر . کندی منفعتی نصل دوشونورسه م
اقتصادی شرقده کی بر مسامانک منفعتی ده عینله اوله
دوشونورم ، کوجم یتسه اونک الامنه یتشیرم . [سورکلی
آلفیشلر]

ایشته بوضورتله اخوتی ، صمیمیتی تکمیل انسانلره
تشمیل ایده جکم ؛ انسانلر بر بادن طوغمش قاردشردر ،
دیه جکم ؛ جمله سنه لحاظه شفقت عرض ایده جکم [ینه آلفیشلر]
اسلامده اتحاد ارزوسی احتمال که بعض آدملر ایچون
غریب بر آرزو دیه تاقی اولنور . حالبوکه عالم انسانیتک .
.. مسلم . غیر مسلم — بتون عالم مدنیتک صمیمی مطالبندن
بریبی اتحاد اسلام اولمی در . و بو مقصد اهل اسلامه
منحصر قالمالی در . ذاتاً حقیقی اتحاد اسلام اولمایانلر ده
بوکا اشتراک ایدر . نهدن ؟ هانی بز انسانیت عائله سی ایدک .
عائلیت نه یایار ؟ شریکینک منفعتنه خدمت دکلی ؟ عجب بو
خدمت یالکز منافع مادیه سنه می منحصر در ، یوقه منافع

وار . انسانلر اوکا خدمت ایتمکه مجبوردر . حتی طایفه مدن بیلنلر واردر ، بن درس اوقوتورکن دییورم که خواجه ایله طلبه نك فرق بر آياق مردیوندن عبارتدر .

انسانلر آردسینده حقیقی بر فرق یوقدر . سوبله نیان فرقلر ظاهری ، اجتماعی احوالدن عبارتدر . چونکه هرکسک کوتوره چکی سکز آرشون بزدر . انسان قبره کیرنجه بو حقیقت تجلی ایدر . قنبورلر بیله اوراده طوس طوغر واولور ، دیگرلرندن فرقی قالماز . خیر وشر . اعمالک جزا و مکافاتی کورور .

انسان قورتوله میه جنی بک ظاهر اولان بیره کیده چکدر . شیمیدین حارثه سعادتمزی دوشه نهم . انسانه لازم اولان کنديسنی رزیله جهلدن قورتارمق وکندی کبی بر بابانک اولادی اولان انسانلردن جهلی ازاله یه چالشمق ... ایشه غایه اسلام . ایشه اخلاق عالیه ، ایشه مدنیت حقیقیه ! ... [شدتلی . سورکلی آلقیشلر]

﴿﴾ وطن محبتی ﴿﴾

وطن ؛ او مادر قدسی شیمدر که هیمز آنک آغوش وفا کارو مهربانیسینده شیر خوار لطیف اولدیغمز خالد یتشدک . بویودک . آن نشاتمزدن دم احتضار وواپسینمزه قدر هپ او نکهبان مشفق زیر جناح عاطفتنده . کهواره ناز و نیازنده حیانتکذار اولدق . بوتون اجزای طینتمز تحایل اولنسه هر ذره سی آنک فیض و نعمیه مشبوع اولدیغی کوریلور ؛ صفحات حیاتمز تدقیق و تشریح ایدلسه . ینه انک . اوام العواطفک کونا کون تجلیات و الطایفه مذهب و موشح بولندیغی منظور دیدۀ محمدت اولور .

وطن ؛ اوفر دوس برین سعادتدر که هیمز خیابان لطیفنده ، ازهار غایه داری آردسینده . قالیچه زمردینی

صوک عصرلر قدر بیلنمه مش بر مسئله واردی . کردنک دوندیکی بیلنمیوردی . شیمدی ایسه دنیا بیاسون . نه اولور ؟ کیمک ضررینه طوقنور ؟ « یا هو ! سزک بو اعتقادلر کز هپ وهم . دونن شمس دکل ، کرده در . » دیرسک . « بچی » دیر . قبول ایدر . نهدن بوکا کیمسه قیزمایور ؛ چونکه کیمسه نك سیاستیه بونک آلیش ویریشی یوق .

حالبوکه بونصل بر حقیقت ایسه اتحاد اسلام فیکری ده اولیه بر حقیقتدر . فقط اوایشنه کیمور . اونی قبول ایتمز . « اتحاد اسلام اولمس ، مسلمانلر الاله ویرمس ؛ بوندن سکا نه اولور ؟ » دیه چک اولسه ک « ای اما ، صوکر غیر مسلملری تهدید ایدر . » دیرلر . حالوکه بوده بروهم . فقط آکلاده مازسک .

هر نه ایسه بزاونقطه یی براقه لم . حسن نیتمه چالیشم . اتحاد اسلامک معناسی نهدر ؛ اولا بوراده دیناً عالیه من افراندن بولونان مسلمانلری یکدیگرینه طامق . قارداش اولدقلرینی بیادیرمک . بوکا هیچ کیمسه نك اعتراضه صلاحیتی ده یوقدر .

عینی زمانده برعائله عثمانیه اولدیغمزی ده اونو تمایه جغز . بوده وظیفه مدنیه در . بوتون عثمانیلرک ، یعنی دین و مذهب اعتباریه مخالفلرک دخی شرع و عقلاک بخش ایتدیکی حقوقی طامقندن نه غائب ایدرز ؟ بو . نه اللهک رضاسنه منافی در . نه ده مسلاک سیاستمزه .

اسلامیت عائلیتی محافظه ایله برابر عینی زمانده عثمانیلر ده محافظیه چالیشمه یه بورجلویز .

سوزلرمی خلاصه ایدیورم . ذاتاً سوزلرم دیمک ده غریب . چونکه ایچنده نیم هیچ بر شیم یوقدر . بندن اول خطابت ایدن ایکی آرقداشمک ملاحظاتی خاطر مه بعض شیلر کتیردی . سزی راحت سیر ایتدم . سوزک نتیجه سی . جهلمزک بیلدیکی بر مرتبه انسانیه خدمتدر . انسانلق دینان بر مرتبه